




www.BibleForChildren.org


Ndondeko 1



Ku ndondeko, Rurema
akabumba igulu
ne' kihugo.




Ikihugo kyâli riiri kimaata,
kitanâli riiri ne 'njusho yoshi.
Ikihulu namudidi kyâli yidisiri
hi 'gulu lya 'mabenga ga 'miiji.
No 'mutima gwa Rurema gwâli
kizi leera hi 'gulu lyago.



Rurema anakyula: «Umulengeerwe gube ho.» Kwokwo,
umulengeerwe gwanayami ba ho. Yugwo mulengeerwe,
Rurema anaguyinika iziina Bukiiri. Ne' kihulu,
anakiyinika iziina Bushigi. Akabigingwe kanalenga,
bwanakya shesheezi.


Yulwo lwo
lukaba
lusiku lwa
mbere.




Rurema anashubi kyula: «Ha kati ka' miiji, habe
ikyanyaanya, gira kihandule amiiji ágali hi' gulu, na
ágali haashi.» Yikyo kyanyaanya, Rurema anakiyinika
iziina Igulu. Akabigingwe kanalenga, bwanakya
shesheezi. Lwo lukaba lusiku lwa kabiri.




Rurema anashubi kyula: «Amiiji ágali mwi' dako,
gayigushe haguma, halinde haboneke áhayumiri.»
Kwanaba kwo bigaaba. Áhayumiri, Rurema anahayinika
iziina Idaho. Na ha' miiji gakayigusha, anahayinika
iziina Nyaaja. Ikyanya Rurema akagira kwokwo,
anabona kwo biri biija.



Rurema anashubi kyula: «Idaho limeze imbuto za
ngiisi mulala. Imbuto nguma zikizi ba ne' ndete. Habe
ne' biti byo' kutongeka kwe' bitumbwe
ibiri mwe' ndete, halinde
zikizi meza ibindi.»
Kwanaba kwo bigaaba.




Akabigingwe kanalenga, bwanakya shesheezi. Lwo
lukaba lusiku lwa kashatu.




Akatee gira imirengeerwe mihamu. Muguma guli mu
kizi tanguula bweneene mu bukiiri. Ugwabo
guli mu kizi moleka bushigi. Na
kwakundi, anagira ne' ndonde.


Akabigingwe kanalenga, bwanakya
shesheezi. Lwo lukaba lusiku
lwa kana.



Rurema anashubi kyula:
«Mu nyaaja, muvubuke
ngiisi mulala gwe' fwi, kwo
ziri ngumaana. Na mu
kyanyaanya, mukizi
purumuka utunyuni.»
Akabigingwe kanalenga,
bwanakya shesheezi. Lwo
lukaba lusiku lwa kataanu.




Rurema anashubi kyula: «Ikihugo kiyijule mwo ngiisi mulala gwe' biremwa, binakizi butana, ngiisi mulala kwagwo-kwagwo. Haboneke ibitugwa, ne' bizimu, na íbiri mu yibulula, kiri ne' nyamiishwa.» Kwanaba kwo bigaaba.




Ha nyuma, Rurema anashubi kyula: «Tubumbage
abandu, babe nga ngiisi kwo tuli, halinde batushushe.
Babe batwali be' kihugo na íbikiri mwo byoshi,
nge' fwi, no' tunyuni, ne' bitugwa, ne' bizimu, na íbiri
mu yibulula.» Yibyo byoshi,
iri Rurema akayusa ukubibumba,
anabona kwo biri biija.
Akabigingwe kanalenga,
bwanakya shesheezi.
Lwo lukaba lusiku
lwa kalindatu.



Na íbitumiri Nahano Rurema akabiika uyo mushosi mu ndalo ye 'Hedeni, gira akizi gilima, anakizi gilanga.



Nahano Rurema
anamúbwira kwokuno:
«Mwi'yi ndalo,
uhangwirwi ukukizi
lya ibitumbwe
bye'biti byoshi.
Si ibitumbwe bye'kiti
kyo'kumenyeesa amiija
na'mabi, utakolwagwa
kwo wabilya. Ulusiku
lwo ugabilya kwo, ku
kasiisa ugaafwa.»



Kwokwo, ibitugwa byoshi,
ne 'nyamiishwa zooshi, no 'tunyuni
twoshi, uyo mushosi ye kabiynika
amaziina. Si ku luhande lwage,
hatâli zaazi boneka umutabaazi
úmukwiriiri.



Kwokwo, uyo mushosi, Nahano Rurema anamúbiika
mwi'ro lya' kahondo-hondo. Ne'ri akaba aki huniiri,
Nahano Rurema anamúlyosa mwo' lubavu luguma,
anahashubaania ne' minyofu.
Lulya lubavu, Nahano Rurema
analubumba mwo' mukazi.



Ne ' kyanya akamúleeta imunda umushosi, mbu
amúbonage, ti: «Yonago! Uyu, ali ivuha lya mu
mavuha gaani, anali munyofu gwa mu
minyofu yani. Bwo alyosibwa
mu mushosi, kyo kitumiri
agakizi buuzibwa Mukazi.»



Ku yukwo, umushosi agaasiga yishe na
nyina, anayibiike ku mukaage. Na bombi,
banabe bakola magala maguma.



Rurema akakunda bweneene aba mu
kihugo, kyanatuma agatanga Umwana
wage we'kininga. Ulya mwana, iri
umundu angamúbiika kwo'bwemeere,
atagaki shereera, haliko âye
longe ukulama imyaka
ne'myakuula.



Barumi 3:23 Si abandu booshi keera bakagira ibyaha,
banakoli buliirwi no ' bulangashane bwa Rurema.

Barumi 6:23 Imbembo ye ' byaha, lulyagagi lufu. Haliko,
Rurema ali mu tuheereza ikigabi kwo tulonge ukulama
imyaka ne ' myakuula, mu kati ka Nahamwitu Yesu
Kirisito!

Baheburaniya 9:27 Bishungisirwi kwo ngiisi mundu ali mu
ba wa kufwa liguma naaho. Ha nyuma, Rurema
anamútwire ulubaaja.

Bahefeso 2:8,9 Ee! Mukakizibwa ku lukogo lwa Rurema
naaho, mu kumúbiika kwo ' bwemeere. Yukwo kukizibwa
kwinyu, kutalyosiri imwinyu, si kiryagagi kigabi ukulyoka
imwage. Bitanakulikiriini ne ' mikolezi yinyu, gira
mutalonge ubulyo bwo mwangayihayira kwo.



Barumi 10:9,10 Kwokwo, iri wangadeta na' kanwa kaawe
kwo Yesu ye Nahano, unayemeerage mu mutima gwawe
kwo Rurema akamúzuula mu bafwiri, lyo ugakizibwa.
Mukuba, tuli mu yemeera Rurema mu mitima yitu, kiri na
ku tunwa twitu, halinde tunabe tukoli kwaniini imbere lya
Rurema, tunakizibwe.

Yohana 3:16,17 Rurema akakunda bweneene aba mu
kihugo, kyanatuma agatanga Umwana wage we' kininga.
Ulya mwana, iri umundu angamúbiika kwo' bwemeere,
atagaki shereera, haliko âye longwe ukulama imyaka
ne' myakuula. Ibikatuma Rurema agaatuma Umwana wage
mu kihugo, kutali mbu lya' bandu bayiji hanwa. Haliko,
akamútuma mwo, gira lyo ayiji bakiza.



1 Yohana 5:11-13 No 'bumasi bwage bwo bwobu: Rurema
keera akatuheereza ubulamu bwe 'myaka ne 'myakuula!
Bunali mu kati ko 'Mwana wage. Ku yukwo, iri umundu
angaba akola ne 'ngoome no 'Mwana wage, iri akola
no 'bulamu. Haliko, iri angaba atagihiiti, iri na yubwo
bulamu nabwo, atabuhiiti. Yaga magambo, nagayandikaga
hi 'gulu liinyu, mwe mukoli yemiiri iziina Iyo 'Mwana wa
Rurema. Kwokwo, Iyo mulonga ukumenya ku kasiisa kwo
mukola no 'bulamu bwe 'myaka ne 'myakuula!



Ndondeko 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Fuliiru Bible (flr) © 2019, Wycliffe Bible Translators Inc.
All rights reserved.

<https://live.bible.is/bible/FLRWYI/MAT/1>

©2026 Bible for Children, Inc.

www.M1914.org

www.bibleforchildren.org

